

Gulahus lohpearrádusas

Ášši	Huksenlohpi
Lohpedovddaldat	25-0005-RL
Giddodat	890-403-0020-0010
Albmosisdoallanáigi	24.05.2025 - 30.06.2025
Lohpearrádus lea oaidninláhka nuppástusohcanáiggi nohkama rádjai elektrovnnalaš gulahusa čuovusin Huksenbearráigeahču siiddus čujuhusas: ht_tps://utsjoki.fi/rakennusvalvonta	

Gulahusa almmustahttinbeaivi

24.05.2025

Diehtunoažžun gehččo leat dáhpáhuvvan čihččet beaivve almmustahttinbeaivvi rájes.

Nuppástusohcanáigi nohká

30.06.2025

Ohcejoga gielda
Eallinfápmo- ja teknikkalaš lávdegoddi
Huksenbearráigeahčču

ÁŠŠI

Huksenlohpi

HUKSENSADJI

890-403-0020-0010

Giddodaga namma
Viidodat
Sajádatlávva
Sajádatlávva jahki
Huksejuvvon
geardeviidodat

Oppa eanasadji

GUOVDAOAIVI

2100 m²

Riektováikkuheaddji oppalašlávva 041207§95

2007

58 m²

DOAIBMABIDJU

Jagis 1965 huksejuvvon dálu sis- ja olgoráhkadusaid sihke dálloleknihka nuppástus- ja divvunbarggut:

- Liggenvuogádaga geavahanvuogi nuppástus; Dálá oljoliggenvuogádat ja báhtterat jorri čáziin burgojuvvojit, sadjai biddjojit šleatgaliggenapparáhtat ja áibmoliggenpumpa.
- Dálá suovvakanála burgojuvvo ollásit ja sadjai biddjojuvvo ođđa gárvves suovvakanála (Wattiippiu, Schiedel dahje vástideaddji). Gáhtu ráhkadusat burgojuvvon suovvakanála buohta huksejuvvojit ođđasit seammalágan ráhkadusaiguin go dáláge gáhttu lea dahkkon.
- Reastalasa ja seainni ovtastuvvansadjai lasihuvvo ciebanfierbmi.
- Reastalasfielluid mieska oasit ođasmahttojit.
- Dálá bihttáfilta ala biddjojuvvo ođđa rullafilta (ivdni čáhppat).
- Gaskagáhtu isoleren dárkkistuvvo ja sadjai biddjo ođđa, jos gávdnojit njuoskan isolašuvnnat dahje omd. boasat.
- Lievladeahtástusat gáhtus ja seinniin ođasmahttojit.
- Lásaid lonuheapmi ođđa muorraalumiidnalásaide. U-árvu 0,99
- Olgouvssaid lonuheapmi ođđa olgouvssaide, mas lea panelabajildus
- Gielisgeađejuolggi vejolaččat dipman muorraoasit gaikojit eret ja sadjai biddjo deattagiedahallon muorra. Dálá styroxisolašuvdna ođasmahtto ja nu maiddái geađejuolgepláhta.
- Basadanlatnja boahťa dálá sávnni sadjai ja sávndi fas ovddeš basadanlatniji. Ovddeš liggerlatnja báhcá oassin ođđa basadanlanja. Seinniin ja gáhtu isolašuvnnaide dahkkojit dárbblaš nuppástusat. Guoddilis ráhkadusaide eai dahkko nuppástusat.
- Láhta sajiid bajildusmateriálat ja čáhceisolašuvnnat ođasmahttojit
- Gievkkana ja oadđenlanjaid giddesgálvvut ođasmahttojit
- Gievkkana, orrunlanja, guovtti oadđenlanja, hivssega ja feaskára bajildusmateriálat ođasmahttojit
- Čáhcegálvvut ođasmahttojit
- Čáhce- ja šleatgavuogádat ođasmahtto dárbblaš osiin

Viessonr Bissovaš huksendovddaldat Doaibmabidju

VIESUT

1353

1021109963

nuppástus

Doaibmabidju maŋŋá

Viessonr

Geavahanulbmil

Geardev. Hukvuoigv. Ollesv. Saddj.

1353

Ovttá viesu dálut

42

42

CEALKÁMUŠAT

Cealkámuša addi
Cealkámuša boadus
Sisdoallu

Museaeiseváldi
guottihuvvon

Lohpedovddaldat 25-0005-RL

23.05.2025

CEALKÁMUŠBIVDDA (BOAHTÁN 2.5.2025)
HUKSENLOHPEOHCAMUŠ REISTINTIE 29, OHCEJOHKA
Ohcejoga gieldda huksenbearráigeahčču lea bivdán Sámemusea
Siiddas cealkámuša, mii laktása huksenlohpeohcamuššii čujuhusas
Reistintie 29, 99950 Gáregasnjárga (890-403-20-10).
Sámemusea Siida cealká áššis musealága (314/2019) 7 § mieldásaš
guovlluguovdasaš vástumusean doaibmasuorggis (huksejuvvon ja
arkeologalaš kulturárbi sihke duovdda) oasil sihke musealága
(314/2019) 9 § mieldásaš riikkaviidosaš vástumusean spesiálasuorggis
(sámekultuvra) oasil.

Huksenlohpeohcamuš guoská jagis 1965 huksejuvvon dálu sanerema.
Cealkámušbivdaga mielde museai leat doaimmahuvvon lásaid ja
uvssaid dingonnannehus oktan tehnikkalaš dieđuiguin ja
mihtuiguin, viessočilgehus sihke viessogálvoplánaid govvideaddji
latnjakoarttat ja vuodđotevnnet. Doaibmabijuide gullet dát:
oljolliggenvuogádaga sadjái bohtet šleađgaliggenapparátat ja
áibmoliggenpumpa; suovvakanála sadjái bohtá gárvves
suovvakanála; Lásat ođasmahttojit muorraalumiidnalássan ja
olgouvssat ođasmahttojit nu, ahte daidda bohtet vealupanelat
bajildussan; gielisgeađgejuolgeráhkadusat dutkojuvvojit ja
ođasmahttojit dárbbášlaš osiin; basadanlanja ja sávnni báiki
lonuhuvvo; čáhcegálvvut, giddesgálvvut sihke bajildusmateriálat ja
čáhceisolašuvnnat ođasmahttojit siskkobealde; čáhce- ja
šleađgavuogádat ođasmahtto dan láhkai go lea dárbu.

Giddodat lea Deanuleagi gáddeosseoppalašláva
Gáregasnjárgga oasseguovllu oasseoppalašláva guovllus (2007).
Oppalašlávas čuožáhat lea sierrasmávvdáluid guovllus (AO) sihke
smávva viidodaga, goasii gililágan huksema čohkiidusas (at), gos
galgá giddet erenomáš fuopmášumi guovllu siskkáldas
čáhcefuolahusa ordnemii. Oasseoppalašlávvakárttas gažaldatvuloš
giddodaga sulaid lea merkejuvvon kulturhistorjjálaččat,
huksendáiddalaččat dahje duovddagova dáfus mávssolaš viessu,
viessojoavku dahje eará čuožáhat SR-1 37. Lávramekema SR-1
guoski lávramearrádus gullo ná: "Viesuid dahje čuožáhaga ii galggaše
almmá bákkolaš siva haga burgit iige daid olgohámi rievdatit nu, ahte
daid kulturhistorjjálaččat mávssolaš dahje gilibirrasa dáfus mávssolaš
iešvuodát gillájit vahága."

Merken SR-1 čujuha Sámemusea Siida Deanu- ja Ohcejohlegiid
kulturinventeremii 2003- 2004 (Maria Sofia Aikio, Jouni S. Laiti
2005, Sámemuseavuodđudusa diehtočálus nr.6) vuodđuduvvi
čuožáhagaide.

Merkema SR-1 maŋis ortnetlohku 37 čujuha čuožáhahkii
Bárši (ássan). Inventeremis čuožáhat ii leat govviduvvon dađi
dárkilabbot, muhto dovddaldat, mii lea inventerema loahpparaporttas
čuožáhaga oktavuođas (Oulu rk F 5a,b) čujuha Oulu universitehta
arkitektuvrra ossodaga dutkanreportii Deatnoleagi viesuid birra
(Diehtočálus B 10 1986). Geahča čuvvosa 1. Raporttas máinnašuvvo
ee., ahte Vuovdaguoika lea Badjedeanu dološ guovddášbáiki, maiddá
eanadálut leat huksejuvvon juo don doložis ja daid viesut leat iešguđet
ahkásaččat. Diehtočállosa čuožáhakoarttas gažaldatvuloš viessu lea
várre E, ođđa váldoviessu, mii gullá duolá tontii 20:7 čohkiidan
boarrásut šilljobirrasii (geahča čuvvosa 1 vulobealde). Áibmogovaid
vuodul oassi šilljobirrasa viesuin lea das maŋja burgojuvvon. Eará
SR-1 37. -merkema čujuhan ollislašvuoda viesut leat

Lohpedovddaldat 25-0005-RL 23.05.2025

báldalas giddodagain.

Giddodagas eai leat dovddus giddes dološbázahasat.

Giddodat lea riikkaviidosáččat mávssolaš duovddaguovllus (VAMA 2021) 182. Deanuleagi duovdagat, mii govviduvvo ee. ná: "Deanuleahki lea duovdagiiddis dáfus okta Suoma dovdosamos johkalegiin. Dan duovdagiin ovtastuvvet áidnalunddot luondu ja johkasápmelaš kultuvra. Johkagátti ja dan lagašbirrasa hárvves ássan čuovvu jahkečuđiid boares ássanráhkadusa. Guovllu duovdagiid árvvu lasihit maid luondduviđá johkaroggi oktan gáddederpmiiguin ja sulluiguin, gáddestelliide čohkiidan giliid iešguđet ealáhusaid dagahan duovdda sihke bures seilon huksenárbi. [...] Duovddaguovllu viesut leat mánggahámagat. Ohcejoga viesut seilo nuppi máilmmisoađis ceaggut ja čavddisin, nu ahte 1800-logu boazodoalu ja eanadoalu vistit gullet johkagátti boarrásamos viesuide. Huksenhistorjjálaččat mávssolamosat leat árbevirolaš, smávva hirsavisttit, áittit ja párrastobut, maid mihttolávvii luonddu fitnašuvvi huksenmateriálaid mihttogorit leat váikkuhan. [...] Šilljobirrasiid viesuid agit dávjá molsašuddet, muhto boares viesut leat oinnolaš sajádagas."

Huksenlága (751/2023) 30 § mielde viesu divvun- ja nuppastuhttinbarggus galgá váldit vuhtii earet eará viesu iešvuodaid ja sierrasárgosiid eaige dat oaččo almmá vuodustallon sivaidda hedjonit divvun- dahje nuppastuhttinbarggus. Lassin Huksenlága 12 § mielde huksemis, viesu divvun- ja nuppastusbarggus sihke viesu dahje dan oasi burgimis galgá fuolahit das, ahte historjjálaččat dahje huksendáiddalaččat mávssolaš viesut dahje gávpotgovva eai billistuvvo.

Ovddabealde máinnašuvvon áššiid vuodul huksenlohpeohcamuša čuozáhat lea oassi mávssolažžan gávnnahuvvon ja oppalašlávás SR-1 -merkemiin čujuhuvvon viessoollisvuoda sihke riikkaviidosáččat mávssolaš duovddaguovllu. Maiddái 1960-logu viesut buktet iežaset áigebaji gearddádaga kulturbirrasiid. Sámemusea Siida oainnu mielde huksenlohpeohcamušas meroštallon nuppastusat eai mearkkašahti láhkai heajut viesu mihtilmasvuodaid, vaikko ovdamearkka dihte lásaid ráhkadus jáhkkinis rievdaduvvo álgosaš hámis. Lássajuohku goit čuovvu huksenáigebadjái mihtilmas málle stuorra lássaráiggiin ja biggohanlásain. Museas ii leat huksenlohpeohcamušas dan doaibmasuorgái laktáseaddji fuopmášahtamuš.

Taina Máret Pieski museahoavda
Miina Tolonen amanuensa, huksenárbi

Ákkastallamat

Huksenlohpeohcamuša čuozáhat lea oassi mávssolažžan gávnnahuvvon ja oppalašlávás SR-1 -merkemiin čujuhuvvon viessoollisvuoda sihke riikkaviidosáččat mávssolaš duovddaguovllu. Maiddái 1960-logu viesut buktet iežaset áigebaji gearddádaga kulturbirrasiid.

Sámemusea Siida oainnu mielde huksenlohpeohcamušas meroštallon nuppástusat eai mearkkašahtti láhkai heajut viesu mihtilmasvuodaid, vaikko ovdamearkka dihte lásaid ráhkadus jáhkkinis rievdaduvvo álgosaš hámis. Lássajuohku goit čuovvu huksenáigebadjái mihtilmas málle stuorra lássaráiggiin ja biggohanlásain. Giddodagas eai leat dovddus giddes dološbázahasat. Museas ii leat huksenlohpeohcamušas dan doaibmasuorgái laktáseaddji fuopmášahttamuš.

ČUVVOSAT

Ohcamuš
Váldegirji
Cealkámuš
Vuodđotevnnet
Giddodatregisttarválddus
Huksenplána

MEARRÁDUS

Mearridan huksenlága ja dan vuodul addojuvvon njuolggadusaid ja mearrádusaid geažil mieđihit ohccojuvvon huksenlobi čuovvovaš eavttuiguin:

Huksenlohpeproseassas ii leat ránnjáide almmuhuvvon, eaige ránnjáid gullan huksenprojektii álgimis, huksenprojeavtta unnodaga geažil, mii lea ránnjá ovddu dáfus čielgasit dárbbášmeahttun (Rakl 63 §: "Giella galgá almmuhit huksenlohpeohcamuša giedahallamii boahtimis ja gullat ránnjáid, jos almmuheapmi ja gullan ii huksenprojeavtta unnodaga dahje sajádaga dahje láva sisdoalu vuhtiváldimiin leat ránnjáid ovddu dáfus čielgasit dárbbášmeahttun."). Viessu ii viiddiduvvo, iige dan olgohápmi rievdda mearkkašahtti láhkai. Huksenbarggut gusket eanaš sistráhkadusaide ja dálloknihkalaš osiide. Julggabeali rievdadeaddji doaibmabijut: Suovvabiippu báikki nuppástuhtin, lásaid ja olgouvssaid ođasmahttin, geađgejuolggi olggoža ođasmahttin, reastalasfielluid divvun, ođđa gáhttofilta bidjan (ivdni čáhppat).

Viessu lea Deanuleagi gáddeosseoppalašlávva Gáregasnjárgga oasseguovllu oasseoppalašlávva Áhkojohka - Áitejohka guovllus, sihke lávvamerkema SR-1, 37 siste. SR-1 lea kulturhistorjjálaččat, huksenhistorjjálaččat dahje duovddagova dáfus mávssolaš viessu, viessojoavku dahje eará čuozáhat, 37 čujuha ássamii. Sámemusea Siida oainnu mielde huksenlohpeohcamušas meroštallon nuppástusat eai mearkkašahtti láhkai heajut viesu mihtilmasvuodaid, dárkilut čilgehus ášši birra lea Sámemusea Siida cealkámušas. Museas ii leat huksenlohpeohcamušas dan doaibmasuorgái laktáseaddji fuopmášahttamuš.

Bargojodiheaddjit

Huksenbarggu ii oaččo álggahit ovdal go huksenberráigeahčcoeiseváldi lea dohkkehan:

- Huksenbarggu vástideaddji bargojodiheaddji
- KVV bargojodiheaddji

Geahčadeamit

Huksenbarggu álggaheamis galgá almmuhit huksenberráigeahčcoeiseváldái ja barggu ollašuhttima eaktun lea čuovvovaš doaimmaid ja geahčadeamiid čađaheapmi:

- Bargguid álggaheapmi
- Suovvakanálageahčadeapmi
- VVS/LVI-geahčadeapmi
- Atnuiváldingeahčadeapmi
- Loahppageahčadeapmi

Eará lohpeeavttut

Ovdal huksenbargguid álggaheami galgá almmuhit huksenberráigeheččui huksenbargguid álggaheamis (Bargguid álggaheapmi).

Son guhte álggaha huksenprošeavtta, galgá geahččat ahte huksen čađahuvvo huksenlága ja dan vuodul addojuvvon njuolggadusaid ja mearrádusaid (Rakl ja Mk) ja maid miedihuvvon lobi mielde.

Huksenbarggu čađaheapmi galgá deavdit RakL 105 § mielde huksema guoskevaš njuolggadusaid ja mearrádusaid ja buori huksenvuogi gáibádusaid.

Plánejeaddjit galget sihkkarastit, ahte huksen ollašuhtto Suoma huksenmearrádusaid mielde.

Huksenprojeavtta álggaheaddji / váldovásttolaš ollašuhtti galgá maid bealistis fuolahit huksenbarggu doarvái buorre bearráigeahčus ja dárkkisteamis.

Huksemis galgá čuovvut lávvamearrádusaid / gieldda huksenortnega.

Huksenbargoeatnamis galgá doallat huksenbarggu dárkkistanáššegirjji buot bargomuttuin.

Fabrikkas ráhkaduvvon dollasajiid ja suovvakanálaid sadjái bidjamis galgá čuovvut uhcimustá válmmašteaddji addin suodjegaskkaid.

Huksenberráigeahččoeiseváldi sáhtta dahkat huksenbarggu áigge soittolaš dárkkistusaid huksenbargoeatnamii.

Huksenprojektii álgi olmmoš galgá fuolahit, ahte burginmateriála- ja huksenbázahusčielggadusas gáibiduvvon dieđut almmuhuvvojit Suoma birasguovddáža bajásdoallan diehtovuđđui (RakL 16 §).

Vissui ja dálloideknihkalaš rusttegiidda galgá gárvvistit geavahan- /fuolahanrávvaga.

Válmmaštalli

Tapio Oikarainen

Mearrádusa addin

Mearrádus addojuvvo gulahusa maŋŋá 31.05.2025, goas gehččo ahte áššáiosolaččat leat ožžon dieđu das.

Lohpemearrádusa maŋimuš váidinbeaivi lea 30.06.2025.

Huksenbarggu álggaheapmi

Huksenbarggu ii oaččo álggahit ovdal go lohpi lea lágafámolaš
01.07.2025.

Atnuiváldin

Viesu dahje dan oasi ii oaččo váldit atnui ovdalgo dat lea
geahčadeamis atnui dohkkehuvvon.

Lobi fápmoáigi

Huksenbarggu galgá álggahit manjimuštá 01.07.2028 ja fidnet
gárvvisin manjimuštá 01.07.2030. Lohpi healbá, jos fápmoáigi ii
erenomáš siva geažil guhkiduvvo.

OHCEJOHKA 23.05.2025

Vuolláičáli

Tapio Oikarainen
vd. huksendárkkisteaddji

VUIGENGÁIBÁDUSRÁVVAGAT

Mearrádussii duhtameahttun olmmoš sáhttá dahkat čálalaš vuigengáibádusa. Mearrádussii ii oaččo ohcat nupástusa duopmostullui váidimiin.

Vuigengáibádusvuoigatvuohta

Vuoigatvuohta vuigengáibádusa dahkamii lea:

- bálddalas dahje buohtalas giddodaga dahje eará viidodaga oamasteaddjis dahje hálddašeaddjis;
- dakkár giddodaga dahje eará viidodaga oamasteaddjis ja hálddašeaddjis, gean huksemii dahje eará atnui mearrádus sáhttá mearkkašahtti láhkai váikkuhit;
- sus, gean ássamii, bargamii dahje eará diliide projeakta sáhttá fuopmášahtti láhkai váikkuhit;
- sus, gean vuoigatvuhtii, geatnegasvuhtii dahje ovdui mearrádus njuolga váikkuha;
- gielddas;
- ránnjágielddas, man eanageavaheami plánemii mearrádus váikkuha;
- museaeiseválddis, jos mearrádus guoská riikkaviidosaččat dahje eanagottálaččat mearkkašahtti suodjaluvvon huksenčuozáhaga;
- eará eiseválddis dan doaibmasuorgái gullelaš áššiin, sihke;
- iežas doaibmaguovllus registrerejuvvon servošis, man ulbmilin lea biras-, dearvvašvuoda- dahje luonddusuodjaleami ovddideapmi, jos huksenlohpi guoská viesu proševttas, masa heivehuvvo birasváikkuhusaid árvvoštallanmeannudeamis addojuvvon láhka.

Jos huksenlobi mielde huksen mearkkaša burginlobi eaktudeaddji riikkaviidosaččat dahje eanagottálaččat mearkkašahtti viesu burgima, váidin vuoigatvuohta huksenlobis lea maiddái ealáhus-, johtolat- ja birasguovddášis.

Vuigengáibádusáigi

Vuigengáibádusa galgá dahkat 30 beaivve geažes das, go lea ožžon mearrádusa diehtun.

Vuigengáibádusa galgá doaimmahit Ohcejoga gildii mearreáiggi maŋimuš beaivve ovdal gielda rabasáiggiid giddaneami. Jos vuigengáibádus sáddejuvvo boastta mielde, galgá reivve guođđit bostii nu árrat, ahte boasta geargá doaimmahit dan vuigengáibáduseiseváldái maŋimustá vuigengáibádusáiggi maŋimuš beaivve ovdal Soađegili gielda registrerenkantuvrra giddaneami.

Gehččojuvvo, ahte mearrádusas lea ožžojuvvon diehtu čieža beaivve geažes das, go mearrádus lea gulahuvvon almmolaš gulahusain.

Diehtunoažžunbeaivi ii lohkkojuvvo vuigengáibádusáigái. Jos

vuigengáibádusáiggi maŋimuš beaivi lea bassebeaivi, iehčanasvuodabeaivi, válborbeaivi, juovla- dahje mihcamárruohtta dahje árgalávvardat, de vuigengáibádusa oažžu dahkat vuosttas árgabeaivve dan maŋŋá.

Mearrádusa diehtunaddin

Mearrádus lea gulahuvvon Ohcejoga gieldda almmolaš diehtofierpmádagas 24.05.2025.

Vuigengáibáduseiseváldi

Eiseváldi, gosa vuigengáibádus dahkkojuvvo, lea eallinfápmo- ja tehnikkalaš lávdegoddi. Vuigengáibádus doaimmahuvvo:

Ohcejoga gielda
Eallinfápmo- ja tehnikkalaš lávdegoddi
PL 41, 99981 Ohcejohka
email: kunnanvirasto@utsjoki.fi
uksačujuhus: Virgedállu, Luossa 1a
rabas: árgan dmu 9.00 - 15.00

Vuigengáibádusa hápmi ja sisdoallu

Vuigengáibádusa galgá dahkat čálalaččat. Maiddái elektrovnnalaš áššegirji deavdá čálalaš hámi gáibádusa.

Vuigengáibádusas galgá almmuhit:

- mearrádus, masa ohcá vuigema
- man láhkai mearrádusa galgá vuiget
- mainna ákkain gáibida vuigema.

Vuigengáibádusas galgá lassin almmuhit dahkki nama, ruovttugieldda, boastačujuhusa ja telefonnummira.

Jos vuigengáibádusa sáhhtá addit diehtun elektrovnnalaš hámis, de bivdit almmuhit oktavuodadiehtun maid e-poastačujuhusa.